



ATAUNgo UDALA

2002KO AZAROAREN 7AN UDALBATZA OSOAK
EGINDAKO BILKURA BEREZIA.

Ataungo Udaletxean, bi mila eta biko azaroaren zazpian, 20:30ean, Udalbatza Osoa bildu zen bilkura berezia egiteko. Batzarburu bezala, Aitor Auzmendi Asurabarrena alkateak jardun zuen; eta aurrez, batzarkide guztiei egin zitzaaien bertaratzeko deia.

Honako zinegotzi hauek etorri ziren: Jexux Goikoetxea Etxeberria, Jaione Munduate Mujika, Iñaki Eskisabel Zurutuza, Santi Etxeberria Goikoetxea, Aitor Aldasoro Sukia, Oihana Munduate Dorronsoro, Lourdes Etxeberria Arrese eta Joxe Mari Barandiaran Begiristain.

Idazkaria: Serafin Jaka Arrizabalaga.

I.- 44 ETA 45-46 GARAPEN-UNITATEETAKO URBANIZAZIO-OBREN
LEHEN FASEA ETA SAN MARTIN AUZOAN ESPALOIA EGITEKO LANAK
KONTRATATZEKO KLAUSULA ADMINISTRATIBO PARTIKULARREN

PLEGUA.- 44 eta 45-46 Garapen-Unitateetako urbanizazio-obren lehen fasea eta San Martin auzoan espaloia egiteko lanak lehiaketa bidez kontratatzeoko klausula administratiboen plegua jarri da batzarkideen aztergai. Lan hauek kontratatzeoko prozedura irekia izango da eta tramitazioa premiazkoa.

Aipatutako obrak finantzatzeko, EREIN programaren bitartez 138.000 euro inguruko dirulaguntza eskuratzea aurreikusten da. Horrez gain, eta espaloia egiteko obrei dagokienez, Foru Aldundiak 30.000 euroko dirulaguntza emango duela espero da.

Adierazitakoa dela bide, lanak urtea bukatu aurretik hasi behar dira.

Aitor Aldasorok esan du aztergai honi dagokion bozketan abstenitu egingo direla. Izan ere, beraiek uste dute eraikin batzuk berreskuratu eta mantentzeko ahalegin handiagoa egin behar zela. Egia da batzuk berreskuraezinak direla, baina beste batzuen kasuan mantendu zitezkeen, beste leku batzuetan erabili dituzten baliabideekin. Adibidez, Bikario-etxe eta Grazina-berri.

Batzarburuak zehaztu nahi izan du Europatik datozen baliabideak lurzatiak berreskuratzeko direla, eta bidea egiteko lortutako baliabideei dagokienez, dirulaguntza haiek urbanizazio-obretarako zirela.



ATAUNgo UDALA

Horrela, bada, eta besterik gabe, Udalbatzak honako erabaki hau hartu du (Aitor Auzmendi Asurabarrena, Iñaki Eskisabel Zurutuza, Jexux Goikoetxea Etxeberria, Jaione Munduate Mujika eta Santi Etxeberria Goikoetxeak aldeko botua eman dute, eta Aitor Aldasoro Sukia, Oihana Munduate Dorronsoro, Lourdes Etxeberria Arrese eta Joxe Mari Barandiaran Begiristain abstenitu egin dira):

Lehenengo.- Klausula administratibo partikularren plegua onartzea. Hona hemen bere edukia:

"44 ETA 45-46 G.U.KO URBANIZAZIO LANEN LEHENENGO FASEA ETA SAN MARTINGO AUZOAN ESPALOA EGITEKO OBRA LANAK BURUTZEKO PROZEDURA IREKI BIDEZ ETA LEHIAKETA BIDEZKO ADJUDIKAZIO MODUAN KONTRATATZEKO KLAUSULA ADMINISTRATIBO PARTIKULARREN PLEGUA.

1. KONTRATUAREN HELBURUA

Espedientean jasota eta kontratu-izaera edukiko duen dokumentazio teknikoarekin bat etorrituz, 44 eta 45-46 G.U.KO URBANIZAZIO LANEN LEHENENGO FASEA eta SAN MARTINGO AUZOAN ESPALOA EGITEKO OBRA LANARI dagozkion lanak burutzea da plegu honetan oinarrituz egin dadin kontratuaren helburua. Aipatu proiektuak, Iñaki Laskurain Gisasola bide-injineruak erredaktaturikoak dira.

2. KONTRATUAREN PREZIOA

Kontratuaren prezioa **EHUN ETA HIRUROGEITA BI MILA LAUROGEITA HAMAR EURO ETA HIRUROGEITA BAT ZENTIMO (162.090,61)**koa izango da. Dena den, lehiatzaileek diru-kopuru txikiagoko eskaintzak ere aurkez ditzakete. Eskaintza bakoitzean Balio Erantsiaren gaineko Zerga (BEZ) sarturik dagoela ulertuko da. Horrez gain, kontzeptu biak, hau da, kontratuaren prezioari eta BEZri dagokienak, bereizturik adierazi beharko dira.

Kontratuaren egiterapen aldian indarrean egongo diren prezio unitarioen zerrenda sartuko da kontratuaren prezioan. Prezio horiek ez aurkeztuz gero, lehiatzaileak udal-aurrekontuko berberak aportatzen dituela ulertuko da, bere proposamen ekonomikoan jasotako jaitsieraren ehuneko berdinean afektatuko dielarik.

3. LANAREN ORDAINKETA

Proiektuari herstuki loturik egindako lana eta Udalaren baimenarekin egindako aldaketak ordainduko zaizkio kontratistari, hitzartutako prezioen arabera.

Zuzendari aginpidedunak luzatu eta kontratistak sinatutako **hileroko egiaztapen** bidez egingo da ordainketa; egiaztapen horiek epe horretan egindako lanari dagozkionak izango direlarik.



ATAUNgo UDALA

4. FINANTZAKETA

Kontratuaren prezioa ordaintzeko finantzaketa-bidea **EHUN ETA HIRUROGEITA BI MILA LAUROGEITA HAMAR EURO ETA HIRUROGEITA BAT ZENTIMO (162.090,61)** aurtengo udal-aurrekontuan aurrikusia dago.

5. PREZIOAK BERRAZTERTZEA

Kontratu honetan preziorik ezingo da berraztertu.

6. EGITERAPEN-EPEA

Kontratazio honen xede diren lanak egiteko epea HIRU HILABETEKOA izango da, zegunketaren egiaztapen-agiria izenpetu eta hurrengo egunetik kontaturik.

Adierazitako epea igarotakoan, kontratista berandutza egoeran sartuko da. Udalak kontratistari ez du zertan epea betetzeko aurrez exijitu beharrik.

7. BERMEAK

Behin-behingo bermea dispentsatua geratzen da, Administrazio Publikoen Kontratuei buruzko Legearen Testu Bateratuaren 35 eta 135.1 artikuluetan xedatutakoaren babespean.

Kontratuaren adjudikatariak, bere gain hartutako eginbeharrak beteko dituela bermatzearen **behin-betiko bermea** jarri beharko du. Berme horren zenbatekoa esleipenaren zenbatekoaren %4a izango da.

Behin-betiko bermea jartzeko epea hamabost lanegunetakoa izango da, kontratuaren adjudikazioa jakinarazi eta hurrengo egunetik kontaturik, eta eskudirutan nahiz Administrazio Publikoen Kontratuei buruzko Legearen Testu Bateratuaren 36.1 artikuluan ezarritako edozein modutan jarri ahal izango da.

Bermea, oso osorik edo, hala balegokio, zati batean, berme-epea bukatu eta adjudikatariak bere gain hartutako eginbehar guztiak betetakoan itzuliko da, Administrazio Publikoen Kontratuei buruzko Legearen Testu Bateratuaren 47. artikuluan xedatutakoarekin bat etorriz.

8. ADJUDIKAZIO-PROZEDURA ETA MODUA

Honako kontratu honen adjudikazioa **presako tramitazioko prozedura ireki** bidez egingo da, **lehiaketa** moduan erabiliko delarik.

Lehiaketaren adjudikaziorako oinarritzat hartuko diren irizpideak honako hauek dira, garrantziaren araberako hurrenkeran adierazita:

1. Prezioa0tik 50ra
2. Proiektuarekiko proposatutako hobekuntzak.0tik 30ra
3. Urbanizatu behar diren G.U.-etan partizipazioa izateagatik..... 0tik 20ra

9. KONTRATATZEKO GAITASUNA

Lege-gaitasun eta iharduteko gaitasun oso osoa duten eta Administrazio Publikoen Kontratuei buruzko Legearen Testu



ATAUNgo UDALA

Bateratuaren 20. artikuluan kontratatzeko ezarritako debeku arazorik ez duten norbanako edo lege-nortasundunek parte har dezakete kontratazio prozedura honetan.

Halaber, beren kabuz edo baimendutako pertsona batek ordezkaturik egin ahal izango dute. Lege-nortasundun baten ordezkotzan bertako kideren batek parte hartuz gero, hori egiteko ahalmena duela egiaztatu beharko du agiri bidez. Kasu batean zein bestean, lehen aipaturik kontratatzeko ezgaitasun zioek ordezkariari eragingo diote.

10. PROPOSAMENAK, DOKUMENTAZIOA ETA AURKEZTEKO EPEA

Kontratazio honen espedientea eta espedientearekin batera dihoan dokumentazioa Udaletxe honetako Idazkaritzan aztertu ahal izango dira, 9:00etatik 13:00etara bitartean, Gipuzkoako Aldizkari Ofizialean lehiaketaren iragarkia argitaratu eta hurrengo egunetik kontaturik.

Proposamenak ere leku eta ordutegi berean aurkeztuko dira. Horretarako hamahiru egun naturaleko epea ezartzen da, aipaturiko iragarkia argitaratu eta hurrengo egunetik kontaturik.

Beranduago aurkeztutako proposamenik ez da onartuko, nahiz eta epea bukatu aurretik postetxean entregatu zirela egiaztatu. Proposamenak onartu ahal izateko, eskaintzaren igorpen-dataren ziurtagiria bidali beharko da Ataungo Udaletxera, telex edo telegrama bidez, proposamena postaz igorritako egun berean.

Lehiatzaileek bi sobre itxi (**A eta B**) aurkeztu beharko dituzte, sobre bakoitzean honako inskripzio hau idatziko delarik: **"44 ETA 45-46 G.U.KO URBANIZAZIO LANEN LEHENENGO FASEA ETA SAN MARTINGO AUZOAN ESPALDIA EGITEKO OBRA LANAK BURUTZEKO LEHIAKETA IREKI BIDEZKO KONTRATAZIOAN PARTE HARTZEKO PROPOSAMENA"**.

Enpresaren izena, proposamena izenpetzen duenaren izen-abizenak eta honek zer izaerarekin egiten duen adierazi beharko da sobre bakoitzean. Horrez gain, bi sobreak sinatu egin beharko dira.

"A" sobreari honako azpтитulu hau jarriko zaio: **"KONTRATATZEKO GAITASUNA ETA GAUDIMENA"**. Eta jarraian adierazitako dokumentazioa aurkeztu beharko da bertan:

a) Nortasun Agiri Nazionala, lehiatzaileak bere izenean parte hartuz gero. Askietsi eta egiaztatutako ahalmena, beste pertsona edo erakunde baten izenean ihardunez gero.

b) Merkataritza Erregistroan behar bezala inskribaturiko eratze- edo aldaketa- agiria eta identifikazio fiskalerako zenbakia, lehiatzailea lege-nortasunduna izanez gero. Europako Elkarteko estatukideetako enpresari ez espainiarrak izanez gero, nahikoa izango da enpresari horiek lanbide edo merkataritza



ATAUNgo UDALA

erregistraren batean inskribaturik daudela egiaztatzea, dagokion estatuko legedian baldintza hori ezarriz gero.

d) Administrazio Publikoen Kontratuari buruzko Legearen Testu Bateratuaren 20. artikuluan kontratatzeko ezarritako debeku arazorik ez duela egiaztatzen den berarizko aitortpena.

e) Zerga-betebeharrei eta Gizarte-Segurantzari dagokienez egunean dagoela egiaztatzeko, erakunde aginpidedunek luzatutako agiriak aurkeztu beharko dira. Hori posible ez izanez gero, aipatu agirien ordeztu aitortpen bat ere aurkez daitezke.

f) Kontratatutaren sailkapena egiazta dezan agiria, kontratatutari **G) taldea, 6) azpitaldea, d) mailako** lanak egiteko gaitasuna ematen diona.

g) Enpresariaren aldi baterako batasuna bezalako zedozer eratu lehian enpresari batzuek aurkeztuz gero, taldea osatzen duten enpresari bakoitzak iharduteko gaitasuna duela egiaztatuta beharko du, aurreko puntuetan ezarritakoarekin bat.

h) Atzerriko enpresek parte hartuz gero, zuzen zuzenean edo zeharka kontratuaren ondorioz sor dadin edozein arazo argitzeko espainiako epaitegi eta auzitegien erabakien pean geratuko direla aitortu beharko dute. Eta lehiatzaileei egoki dakiekeen atzerriko eskumen-foruari uko egingo diote.

"B" sobrearen azpititulua honako hau izango da: "PROPOSAMEN EKONOMIKOA ETA ADJUDIKAZIORAKO IRIZPIDEAK". Eta ondoren adierazitako agiriak sartuko dira bertan:

a) Jarraian idatzitako ereduraren egokitutako proposamen ekonomikoa:

..... jaun/andrea.
Helbidea:.....P.K.:.....N.A.N.
zenbakia:.....Telefono zenbakia: Lege-gaitasun
eta iharduteko gaitasun osoa izanik, bere izenean edo
..... ordezkotzan.

Helbidea:..... P.K.:
Telefono zenbakia:N.A.N. edo I.F.Z. zenbakia
(segun eta pertsona fisiko edo juridikoa den):

"44 eta 45-46 g.u.ko Urbanizazio lanen lehenengo fasea eta San Martingo auzoan espaloia egiteko obra lanak" izeneko proiektuak bere barne hartzen dituen lanak kontratatzeko Ataungo Udalak konbokatutako lehiaketaren berri izanik, honako hau adierazten dut:

1.- Aipatu lanak eurotan egiteko konpromezua hartzen dudala. Diru-kopuru horri beste honako hau gehitu behar zaio, B.E.Z. dela eta:
..... euro. Halaber, hitz ematen dut, adierazitako lanak epean bukatuko ditudala. Prezio horren barne sartzen dira kontzeptu guztiak, bai



ATAUNgo UDALA

zergabide alorreko zerga, gastu, tasa, e.a., bai kontratistaren mozkin industrialala ere.

2.- Ezagutzen ditudala bai proiektua bera, bere eduki eta guzti, bai Klausula Administratibo Partikularren Plegua, bai eta kontratu hau eraundu behar duen gaineko dokumentazioa ere, eta oso sororik onartzen eta nireganatzen ditudala.

3.- Nik ordezkatzeko dudak enpresak indarrean dagoen arategiak eskatutako baldintza eta betebeharrak guztiak betetzen dituela, irekitze, instalazio eta funtzionamenduari dagokionez.

b) Plegu honetako 8. klausulan adierazitako adjudikazio-irizpideak betetzen direla egiazta dezaten agiriak.

Lehiatzaileek proposamenak aldatu ahal izango dituzte, kontratuaren xedea hobetzeko.

11. DOKUMENTUAK KALIFIKATU ETA PROPOSAMENAK IREKITZEA

Proposamenak aurkezteko epea bukatu eta gero, Kontratazio-Mahaiak, alkateak edo honen ordezkari zinegotziak, udal-aholkulari teknikariak eta udaleko idazkariak osatuko dutelarik, ezarritako epean eta moduan jasotako dokumentazioa ("A" sobrea) kalifikatzeari ekingo dio. Agiri horietan akats materialak somatuz gero, hiru laneguneko epea emango da lehiatzaileak aipatu akatsak zuzen dituzan.

"B" sobrean aurkeztutako eskaintzak jendaurrean irekiko dira, proposamenak aurkezteko epea bukatu eta **laugarren lanegunean, 9:00etan**. Postaz igorritakoen kasuan, Administrazio Publikoaren Kontratuen Legearen Araudi Orokorrean xedatutakoa ezarriko da.

Gero, eta dagokion txosten teknikoak aztertu ondoren, hala balegokio, Kontratazio-Mahaiak kontratuaren adjudikazio-proposamena aurkeztuko dio Kontratazio-Sailari.

12. ADJUDIKAZIOA ETA KONTRATUA SINATZEA

Adjudikazioa, gehienera jota ere, **hiru hilabeteko** epean burutuko da, proposamenak ireki eta hurrengo egunetik kontaturik.

Kontratazio-Sailak egindako adjudikazio bidez hobetuko da kontratua.

Adjudikatariari adjudikazioaren berri eman eta hurrengo egunetik kontaturik **hamabost laneguneko** epean, honako eginkizun hauek bete beharko ditu:

a) Behin-betiko bermea jarri eta, hala balegokio, berme osagarria ere bai.

b) Aldizkari ofizialetan eta, hala balegokio, egunkarietan lehiaketa honi buruz argitaratutako iragarkiak ordaindu.

d) Zerga-betebeharrei eta Gizarte-Segurantzari dagokienez adjudikataria egunean dagoela proposamenean ez egiaztatuz gero, eginbehar guzti horiek behar bezala betetzen dituela egiazta dezaten agiriak aurkeztu.



ATAUNgo UDALA

e) Udal honek ezarritako zergen ordainketan egunean dagoela egiazta dezaten agiriak aurkeztu.

f) Azkenik, Udaletxera bertaratu administrazio-agiri batean kontratua sinatzera.

Kontratistari leporatu ahal zaizkion arrazoinak direla bide kontratua ez sinatuz gero, Udalak kontratua haustea erabaki dezake, interesdunari entzun ondoren eta arazo horrek sortarazitako kalte eta hondamenak ordainduz.

13. KONTRATUAREN EGITERAPENA

Kontratuaren egiterapena kontratistaren arrisku eta zoriz burutuko da. Laneko galera, kalte edo hondamenak direla eta kontratistak inolako kalteordainik jasotzeko eskubiderik ez du izango, Administrazio Publikoen Kontratuei buruzko Legearen Testu Bateratuaren 144. artikuluan aurrikusitako ezinbesteko kasuren bat izan ezean.

Lan-kontratuaren egiterapena zegunketaren egiaztapen-agiria sinatzearekin batera hasiko da, kontratua sinatutako egunetik kontaturik hamar eguneko epean.

Edozein modura, Plegu honetan ezarritako klausula, Pleguari erantsitako zehaztapen tekniko, hala nola, Administrazio Publikoen Kontratuei buruzko Legearen Testu Bateratuan eta gainerako arautegietan ezarritakoarekin bat etorritz eta lanen zuzendari aginpidedunak kontratistari emandako aginduak betez egin beharko dira lanak.

14. KONTRATISTAREN LAN ARLOKO BETEBEHARRAK

Lan arloari, Gizarte-Segurantzari eta laneko segurtasun eta garbitasunari buruz indarrean dauden lege-xedapenak bete beharra dauzka kontratistak, kontratu honen xede diren lanak egiteko erabil ditzan langileei dagokienean. Arlo honetan Udalak inolako erantzukizunik ez du izango.

15. KONTRATUAREN EGITERAPEN ALDIAN HIRUGARRENEI SORTARAZI AHAL ZAIZKIEN KALTEAK DIRELA ETA KONTRATISTAK DUEN ERANTZUKIZUNA

Bere menpeko langileen akats eta utzikeriengatik, edo lanak gaizki antolatu, babestu eta seinalizatzeagatik, edozein pertsona, jabetza edo zerbitzuri, publiko nahiz pribatu izan, sortarazi ahal zaizkien kalte eta hondamen guztien erantzukizuna izango du Kontratistak, lanen egiterapen aldian. Hori dela eta, erantzukizun hori bermatzearen, beste batzuen artean zibil arloko subsidiarioa hartuko duen erantzukizun zibileko aseguru poliza bat egin behar izango du.

16. LANAK SEINALIZATZEA

Kontratistak beharrezko seinaleak jarri beharko ditu lanak burutuko diren lekuan bertan, ingurune guztian eta arriskutsuak izan daitezkeen puntuetan.



ATAUNgo UDALA

Aldi berean Kontratistaren gain izango dira, ekimenerako Europar Batasuneko kofinanziazioa dagoela adieraziko dituzten publizitate panelak jartzearen kostuak.

Zenbait seinale osagarri jartzearen edo jada jarritakoak aldatzearen gainean Zuzendaritzak idatziz emandako aginduak bete beharko ditu kontratistak.

Lanak seinalizatzeak sortarazitako gastuak kontratistak ordaindu beharko ditu.

17. KONTRATUAREN ALDAKETAK

Herri-onurarako arrazoinak, behar berriak edo aurrikusi gabeko arazoak direla eta, Udalak kontratua alda dezake. Horrekin loturik, kontratistak inolako kalteordainik jasotzeko eskubiderik ez du izango, Administrazio Publikoen Kontratuei buruzko Legearen Testu Bateratuaren 150.e) artikuluan ezarritakoaren kalterik gabe.

Kontratuan egindako aldaketek aurrez jaso gabeko lan-unitate berriak sartzea ekarriz gero, Kontratazio-Sailak finkatuko ditu aldaketa horien prezioak. Eta kontratistak ez onartuz gero, ebazpen-batzorde batek; Kontratazio-Sailak, finkatuko lituzkeen prezio beretan, beste enpresari batekin kontratatzearen edo zuzen zuzenean berak egitearen kalterik gabe.

18. EGINDAKO LANAK JASOTZEA ETA BERME-EPEA

Lanak bukatu eta gehienez ere hilabeteko epean jasoko dira lanak. Horretarako, bilera bat egingo da, dagokion bilkura-agiria jasoko delarik.

Halaber, lanak formalki jasotzen direnetik kontaturik urte beteko epea ezartzen da, Administrazio Publikoen Kontratuei buruzko Legearen Testu Bateratuan eta gainerako araudietan aurrikusitako ondorioen berme-epe gisa.

Hala ere, eta berme-epea bukatu egon arren, kontratistak kontratua ez betetzeagatik eraikuntzan egindako ezkutuko akatsen ondorioz lan guztia hondatuz gero, kontratistak bere gain hartuko ditu horrek sortarazitako kalte eta hondamen guztiak, lanak jaso zire-netik kontaturik hamabost urtetan zehar. Epe hau igaro eta inolako kalte edo hondamenik ez somatuz gero, kontratistak obraren gainean ez du inolako erantzukizunik izango.

19. KONTRATUAREN EGITERAPEN-EPEAK EZ BETETZEAGATIK KONTRATISTARI EZARRI AHAL ZAIZKION ZIGORRAK

Kontratista, berari leporatu ahal zaizkion arrazoinak direla eta, kontratuaren egiterapen-epeak ez betetzeagatik atzeratuz gero, Udalak kontratua hautsitzat jo dezake, bermea galduz, edota Administrazio Publikoen Kontratuei buruzko Legearen Testu Bateratuaren 95. artikuluan aurrikusitako zigorrak ezar ditzake.



ATAUNgo UDALA

Atzerapenagatik ezar daitezkeen zigorrek kontratuaren aurrekontu osoaren %20a ezingo dute gaingitu. Hori dela eta, behin muga horretara iritsitakoan, Udalak kontratua hautsitzat jo dezake edota lanekin jarraitzea erabaki, baina zigorrak ezarri.

20. KONTRATUA HAUSTEKO ARRAZOINAK

Administrazio Publikoen Kontratuei buruzko Legearen Testu Bateratuaren 111. eta 149. artikuluetan ezarritako arrazoinak lan--kontratua hausteko bide ematen dute.

21. UDALAREN ESKUBIDEAK

Udalak honako eskubide hauek izango ditu: kontratua interpretatzekoa, hura betetzerakoan sor daitezkeen zalantzak erabakitzekoa, herri-onurarako arrazoinak direla eta kontratua aldatzekoa, haustea erabakitzekoa eta horrek berekin dakartzan ondorioak ezartzekoa; beti ere, Administrazio Publikoen Kontratuei buruzko Legearen Testu Bateratuan ezarritakora mugatuz.

Zentzu horretan Udalak har ditzan erabakiek administrazio-bidea agortuko dute eta berehala bete beharrekoak izango dira.

22. JURISDIKZIO AGINPIDEDUNA

Administrazio-bidea agor dezaten erabakien aurka errekurtso kontentzioso-administratiboa jar daiteke, jurisdikzio hori arautzen duen legean xedatutakoaren arabera.

Era berean, kontratuarekin loturik sor daitezkeen auziak jurisdikzio kontentzioso-administratiboaren esku geratuko dira. Hala ere, alderdiek ebazpen bidez konpon ditzakete auziak, indarrean dagoen legedian ezarritakoaren arabera.

23. ERREJIMEN JURIDIKOA

Plegu honetan oinarrituz sinatu behar den kontratuak administrazio-izaera izango du eta bertan aurrikusi gabeko kasuetan jarraian adierazitako lege eta arauetara joko da:

- 2/2000 Errege-Dekretu Lejislatiboa, ekainaren 16koa, Administrazio Publikoen Kontratuei buruzko Legearen Testu Bateratua onartzen duena.

- 7/1985 Legea, apirilaren 2koa, Udal-Jaubidearen Oinarriak Arautzen dituen eta 781/1986 Errege-Dekretu Lejislatiboa, apirilaren 18koa, Udal-Jaubidearen alorrean indarrean dauden xedapenen Testu Bateratua onartzen duena, Administrazio Publikoen Kontratuei buruzko Legearen Testu Bateratuan ezarritakoaren aurka joan ez dadin bitartean.

- Administrazio Publikoen Kontratuen Legearen Araudi Orokorra, urriaren 12ko 1098/2001 Errege Dekretu bidez onartzen duena.

- Aipaturiko lege eta arau guztien osagarri bezala, administrazio-zuzenbideko gainerako arauetara joko da, eta horren ezean, zuzenbide pribatukoetara.



ATAUNgo UDALA

Klausula Administratibo Partikularren Plegu honen eta espedienteari erantsitako gainerako dokumentazio teknikoaren artean kontraesanen bat egonez gero, Plegu honetan ezarritakoa gailenduko da.

.....(e)n, 2002korenan"

Bigarren.- Lehiaketa konbokatzea. Horretarako, dagozkion iragarkiak jarri eta argitaratuko dira iragarki-oholean eta Gipuzkoako Aldizkari Ofizialean.

II.- "EUSKAL UDALERRIAK EMAKUMEZKOEN INDARKERIAREN AURKA"

ADIERAZPENA.- Emakundek proposatutako "Euskal udalerriak emakumezkoen indarkeriaren aurka" Adierazpenarekin bat egiteko proposamena luzatu die batzarburuak batzarkideei.

Aitor Aldasorori ekimen hauek interesgarriak iruditu arren, beroriek praktikan jartzeak duen garrantzia azpimarratu nahi izan du, paperean soilik gera ez daitezen.

Batzarburuak ere berdin pentsatzen du. Dena den, adierazi du Udaleko Gizarte-Zerbitzuek eskuhartu egin dutela herrian horrelako kasuren bat eman dela jakin bezain laster.

Besterik gabe, Udalbatzak, bertaratutako guztien adostasunez, Adierazpen horrekin bat egitea erabaki du. Hona hemen bere edukia:

"ADIERAZPENA

"EUSKAL UDALERRIAK EMAKUMEZKOEN INDARKERIAREN AURKA"

EUSKAL UDALERRIOK:

ZERA ADIERAZI NAHI DUGU: Gure gizarteak gaur egun duen arazorik larrienetakoa emakumezkoek jasaten duten era guztietako biolentzia da. Etxeko tratu txarrak, sexu erasoak, sexu jazarpena, genitalen mutilazioa, emakume eta neskatilen trafikoa, sexu esplotazioa, eta abar... biolentzia horren adierazpen desberdinak dira. Denak dira emakumeen duintasunen aurkako eraso zuzena eta horren ondorioz, giza eskubideen bortxaketa larria eta onartezina dira.

ZERA ADIERAZI NAHI DUGU: Emakumezkoen aurkako indarkeria emakumezkoen desberdintasunean oinarritutako gizarte baten adierazpena da; desberdintasun horren arabera, rol desberdinak atxikitzen dira sexuen arabera eta emakumezkoak desbalorizatu eta menpean jartzen ditu gizonezkoen arteko berdintasuna oztopatzen duten genero estereotipoak gainditzeko lan egin behar dugu.

ZERA ADIERAZI NAHI DUGU: Emakumezkoen aurkako biolentziak bizitza suntsitzeaz gain, emakumeei kolektibo gisa bizitza



ATAUNgo UDALA

publikoan parte hartzeko oztopoak jartzen dizkie eta herritartasun eskubideaz baliatzeko mugak jartzen dizkie. Ez dago herrialde edo gizarterik biolentzia mota horretatik libre geratzen denik; mundu osoan gertatzen den fenomeno da, edozein izanik ere herrialdea, gizarte maila, maila ekonomikoa, etnia, kultura eta adina. Beraz, denoi dagokigun lehen mailako gizarte arazo baten aurrean gaude; gainera, kalkulaezinak eta atzeraezinak diren kostu pertsonal, sozial eta ekonomikoak dakartza eta gure herri eta hirien garapena eta bilakaera ahultzen dute.

ZERA ADIERAZI NAHI DUGU: Azken urteotan aurrerapauso garrantzitsuak eman dira indarkeria mota honi buruzko kontzientziazioari eta gizarteak eman dion erantzunari dagokionez. Munduko nazio askotan eta nazioarteko eragile desberdinak hainbat alor ukitzen dituzten neurriak hartzen ari dira. Gure Erkidegoan aspalditik ari gara lanean eskuhartze arlo desberdinetan: ikerketa, sentsibilizazioa, prebentzioa, prestakuntza eta biktimei eskaintzen zaien laguntza eta babesa. Plan ugari garatu da Euskal Autonomi Erkidegoan: Emakumezkoentzako Ekintza Positiborako Plana, berdintasunari buruzko Foru eta Udal Planak eta iaz gai honetan inplikaturako Erakunde guztiek sinatu zuten *etxeko tratu txar eta sexu erasoen biktima* diren emakumeei ematen zaien laguntza hobetzeko *erakunde-arteko Hitzarmena*. Alor honetan ekimen garrantzitsuak garatu dira, baina oraindik asko dago egiteko.

ZERA ADIERAZI NAHI DUGU: Udala herritarrengandik hurbilen dagoen Administrazio publikoa denez, eginkizun garrantzitsua dauka emakumezkoen aurkako indarkeriaren prebentzian eta erradikazioan eta biktimei laguntza ematerakoan. Horregatik, gure uztez beharrezkoa da alor horretako udal politikak garatzea eta toki mailako foroak sortzea, ekimenak eta esperientziak elkartrukatzeko eta elkarrekin lanean aritzea errazago izan dadin.

ZERA ADIERAZI NAHI DUGU: Jokabide horien biktima diren biktima zuzen eta zeharkakoei gure elkartasuna adierazi nahi diegu eta gure eskura ditugun baliabide guztiak eskaintzeko borondate osoa daukagu, laguntza azkarra, egokia eta eraginkorra emateko.

DEI EGITEN DIEGU herritar guztiei, batez ere gizonezkoiei, biktimekiko elkartasuna adierazi dezaten eta laguntza eman diezaieten eta emakumezkoen aurkako biolentziaren aurrean jarrera aktiboa har dezaten: arbuatuz, salatuz eta biolentziaren aurreko ezetza eta emakumezkoen eta gizonezkoen arteko berdintasunarekiko errespetua eguneroko bizitzan sartuz eta etorriko diren belaunaldiei transmitituz. Eta emakumezkoen arukako biolentziari aurre hartzeko eta aurre egiteko egingo diren ekitaldi publikoetan parte hartzera animatzen ditugu.



ATAUNgo UDALA

KONPROMISOA HARTZEN DUGU, guri dagokigun heinean, udal politika aktiboa aurrera eramateko, emakumezkoen aurkako biolentziari aurre hartu eta desagerrarazteko asmotan eta eraso horien biktimei eskaintzen zaien laguntza hobetze aldera; hori guztia, gure Erkidegoan indarrean dauden arau, plan eta erabakiek xedatutakoaren arabera. Era berean, etorkizunean toki mailan sor daitezkeen ekimen guztiekiko interesa erakutsi nahi dugu, udalek alor horretan egiten dituzten jarduketa guztiak hobetu ahal izateko, jarduketa eta esperientzia desberdinak denon artean elkartrukatuz."

III.- ALKATETZAK DEKRETU BIDEZ EMANDAKO OBRA-BAIMENAK.-

Jarraian, Alkatetzaren Dekretu bidez emandako honako lan-baimen hauen berri eman du Batzarburuak:

- Joxe Goikoetxea Munduate (Mantxintxu baserria): Aldakio baserri inguruko bide bat zabaldu.
- TELEFONICA (Donostia): San Martin auzoan (53 G.U.) eraikitzen ari diren etxebizitzetarako telefono zerbitzurako kanalizazio eta kablearen instalazioa egin.
- M^a Pilar Imaz Agirre (Kortaberri etxea): Etxea eraberritu.
- Jose Manuel Apalategi Tolosa (Mitxelena etxea): Teilatua konpondu eta etxea zuritu.
- Marzial Barandiaran Etxeberria (Arrondo-Saletxe etxea): Gas proponoa gordetzeko biltegia egin.
- Xabier Altuna Imaz (Laskain Zelai etxea, T): Laskain Zelai, T eta Laskain Zelai, R etxebizitzetan bajeratik jardinarean aldera leiho bat ateratzea.
- Jose Migel Mujika Dorronsoro (Lardi txiki etxea): Fatxada zuritu.
- Diego Barandiaran Zurutuza (Barandiaran txiki baserria): Teilatua konpondu.
- Pedro Mari Olariaga Mendiguren (Lazkao): Ur Baintitik Amuñain Garakoa dihoan pistan harria edo eskoria botatzea.
- Josefa Dorronsoro Barandiaran (Ugalde txiki): Ugalde txikik aldamenean duen ataripe irekia itsi, bertan komun bat egokituz.

Udalbatza jakinaren gainean geratu da.

AKTA BUKAERA.- Eta aztergai gehiago ez dagoenez, Alkatetzak, 20:50an, bilkura bukatutzat eman eta honako akta hau jaso da. Nik, idazkariak, fede ematen dut.